

畿輔通志卷一百三十二

略八十七 前事二 五代至明 國朝

五代

戊辰 晉主李存勗稱唐 天祐五年 劉守文攻幽州 劉守光求

救於晉 晉主遣兵助之 守文兵至蘆臺軍 州境 爲守光所敗

又戰玉田 今縣屬 遵化州 亦敗 守文乃還

已平 梁開 年 劉守文以重賂招契丹 吐谷渾之衆合四萬屯

薊州 守光逆戰於雞薊 今薊州西 爲守文所敗 守文單馬立於陣

前泣謂其衆曰 勿殺吾弟 守光將元行欽識之 直前擒之 滄

德兵皆潰 守光囚之 別室梏以藁棘 乘勝進攻滄州 滄州判

官呂充孫鶴推守文子延祚爲帥 乘城拒守

梁以劉守光爲燕王

庚晉稱唐天祐七年 劉守光克滄州殺其兄守文
午 梁開平四年

梁主疑趙王鎔貳於晉且欲因鄴王羅紹威卒除移鎮定會
燕王守光發兵屯涑水欲侵定州遣供奉官杜廷隱丁延徽
監魏博兵三千分屯深冀聲言助趙守禦趙將石公立戍深
州白鎔拒之鎔不從深冀民見魏博兵入奔走驚駭未幾廷
隱等閉門盡殺趙戍兵乘城拒守鎔始命石公立攻之不克
乃遣使求救於燕晉與義武節度使王處直共推晉王爲盟
主合兵攻梁晉遣周德威將兵出井陘屯趙州鎔使者至幽
州守光不爲出兵

梁王景仁等進軍柏鄉趙王鎔復告急於晉晉王自將由贊
皇今縣屬東下王處直遣將將兵五千以從至趙州與周德

威合進距柏鄉三十里遣周德威等以胡騎追梁營挑戰梁

兵不出復進距柏鄉五里營於野河

卽槐河在今柏鄉縣西南

之北又遣

胡騎迫梁營馳射且詬之梁將韓勅等將步騎追擊德威帥精騎千餘擊其兩端獲百餘人且戰且卻距野河而止梁兵亦退晉王欲速戰用德威計拔營退保高邑

辛未

晉稱唐天祐八年梁乾化元年

晉周德威與別將史建塘李嗣源將

精騎三千壓梁壘門而詬之王景仁韓勅怒悉眾而出德威等轉戰至高邑南李存璋陳於野河之上梁軍競前奪橋晉指揮使李建及力戰卻之自己至晡梁兵大潰晉兵夜至柏鄉梁兵已去李嗣源等追奔至邢州河朔大震晉王收兵屯趙州

晉王遣周德威史建塘趨澶

今開州地

魏張承業李存璋攻邢州

自以大軍繼之梁主遣別將徐仁溥將兵自西山夜入邢州

助王檀城守晉王至魏州攻之不克梁主以羅周翰年少且忌其舊將佐以李振爲天雄節度使命杜廷隱將兵千人衛之間道夜入魏州助周翰城守德威攻拔澶州等城劉守光聞梁兵敗欲以兵威離間鎮定二鎮諸將勸晉王先取守光然後專意南討會梁楊師厚引兵救邢魏晉王解圍去師厚留屯魏州周德威等亦解邢州圍晉王命德威以兵屯戍趙州

梁主命楊師厚將兵三萬屯邢州以攻趙

劉守光謀稱帝孫鶴諫守光斬之遂卽位國號燕改元應天受冊之日契丹陷平州燕人驚擾

梁主聞晉趙謀入寇力疾北巡思雪其恥旣而晉趙兵竟不出遂自魏縣南還

劉守光寇易定攻容城

今縣屬正定府

晉遣周德威救之

壬申

晉稱唐天祐九年梁乾化二年

晉周德威東出飛狐與趙將王德明

義武將程巖會於易水攻燕祁溝關

卽今岐溝店在涿州西南

下之進克

涿州德威遂至幽州城下守光求救於梁梁主自將救之命

楊師厚等圍棗強

今屬冀州

賀德倫等圍薊縣師厚急攻棗強拔

其城屠之梁主引師厚兵與德倫合兵攻薊未及置營晉史建塘李嗣肱各將三百騎效梁軍旗幟服色與樵芻者雜行暮至營門縱火大譟弓矢亂發梁王以晉軍大至燒營夜遁旣而遣騎覘之曰晉軍實未來此乃史先鋒游騎爾梁主慙憤病遂增劇

義昌節度使劉繼威年少淫虐淫於都指揮使張萬進家萬進怒殺之自稱留後以周知裕爲左都押牙遣使奉表於梁

亦遣使降於晉晉王命周德威安撫之知裕心不自安遂奔
梁梁改義昌爲順化軍以萬進爲節度使

晉周德威遣裨將李存暉等攻瓦橋關其將吏及莫州刺史
李嚴皆降

晉李嗣源攻瀛州刺史李敬降

晉周德威與燕師戰於龍頭岡

亦曰臥龍岡在今順天宛平縣西北擒其將單

廷珪

天雄節度使羅周翰幼弱楊師厚軍於魏州久欲圖之憚梁

主威嚴不敢發至是師厚館於銅雀驛

在今元城縣界

朱友珪弑梁

主而自立遂引兵入牙城據位視事梁以師厚爲天雄節度

使徙周翰鎮宣義

趙將王德明攻拔宗城楊師厚伏兵唐店

今薊州南擊破之

癸酉

晉稱唐天祐十年
梁主璵乾化三年

周德威攻拔順州

今順天府順義縣界

又拔安

遠軍

今薊州界

薊州將成行言等降未幾復拔蘆臺軍

晉李存暉攻燕檀州刺史陳確以城降

晉將劉光璿克古北口

今密雲縣東北

燕居庸關使胡令圭等奔晉

燕劉守光命大將元行欽募山北兵以應契丹晉李嗣源分

兵徇山後八軍

今居庸關古北口地

皆下之進攻武州高行珪以城降

元行欽聞之引兵攻行珪行珪使其弟行周質於晉軍以求

救李嗣源引兵救之行欽解圍去嗣源與行周追至廣邊軍

今宣化府龍門縣界

凡八戰行欽力屈而降嗣源進攻儒州

在今延慶州界

之

晉周德威進軍逼幽州南門劉守光致書請和德威不答守

光懼復遣人祈哀德威乃以聞於晉王別將劉光璿拔平州

執張在吉進攻營州刺史楊靖降

梁楊師厚與劉守奇大掠趙境師厚趨趙州守奇趨冀州會攻下博按之趙王告急於周德威德威遣騎將李紹衡會趙將王德明同拒梁軍

晉王遣張承業詣幽州與周德威議軍事劉守光遣使詣承業請以城降承業以其無信不許

晉五院軍使李信拔莫州擒燕將畢元福進拔瀛州

晉王與趙王鎔會於天長

燕王守光引兵夜出復取順州帥眾夜出將入檀州晉周德威自涿州引兵邀擊大破之守光以百餘騎逃歸幽州

盧龍巡屬皆入於晉守光求援於契丹契丹以其無信不救屢請降於晉晉亦不許晉王督諸軍攻燕城克之擒仁恭守

光帥妻子亡去將奔滄州爲人所擒送晉軍

甲 晉稱唐天祐十一年 晉王旣克幽州乃謀伐梁會趙王
戊 梁乾化四年

鎔及周德威攻邢州李嗣昭引兵會之梁楊師厚帥師救邢
州晉軍退諸鎮兵皆引歸

乙 晉稱唐天祐十二年 梁天雄節度使楊師厚卒梁生分
亥 梁貞明元年

天雄六州爲兩鎮以賀德倫爲天雄節度使置昭德軍於相
州割澶衛二州隸之以張筠爲節度使分魏州將士府庫之

半入昭德恐魏人不服遣開封尹劉鄩屯南樂 今縣屬大名府 澶州

刺史王彥章屯金波亭 在今元城縣東 以脅魏魏兵不願分徙縱火

大掠圍金波亭彥章斬關而走亂兵入牙城刦德倫置樓上

效節軍校張彥自帥其黨拔白刃止剽掠梁主遣使撫慰魏

軍彥請復還三州不許因逼德倫以書求援於晉晉王得賀

德倫書疑魏人之詐按兵不進德倫遣判官司空頽犒軍密
言彥凶狡請先除之張彥謁晉王王數其罪斬之德倫率將
吏請晉王入府城慰勞旣入德倫上印節王固辭而後受之
以李存進爲天雄都巡按使有訛言搖衆及強取人一錢已
上者皆梟首磔尸於市旬日城中肅然

晉人夜襲瀘州陷之刺史王彥章在劉鄩營晉人獲其妻子
待之甚厚遣兵使誘彥章彥章斬其使晉人盡滅其家

晉王勞軍於魏縣因帥百餘騎循河而上覘劉鄩營會天陰
晦鄩伏兵五千於河曲鼓譟而出圍王數重王躍馬大呼所
向披靡裨將夏魯奇等操短兵力戰自午至申乃得出亡其
七騎會李存審救兵至乃得免賜魯奇姓名曰李紹奇

劉鄩以晉兵盡在魏州乃引兵屯宗城謀據臨清以絕晉糧

道周德威急追至南宮略鄆營而過鄆引兵趨貝州德威攻之不克旣而鄆攻鎮定營爲晉將李存審所敗奔還

梁將王檀賀瓌攻澶州拔之執刺史李嚴梁以楊延直爲澶州刺史

貝州刺史張源德有卒三千每夕分出剽掠州民苦之請墜其城以安耕耘存審乃發八縣丁夫塹而圍之

丙子

晉稱唐天祐十三年梁貞明二年

梁劉鄆堅壁不出晉王乃令李存

審守營自勞軍於貝州鄆聞之與澶州刺史楊延直合兵襲魏州城中選壯士潛出擊之延直不爲備潰亂而走詰旦鄆與延直餘衆合李存審踵其後李嗣源以城中兵出戰晉王亦自貝州至與嗣源當其前鄆見之驚却晉王爲方陣於西北存審爲方陣於東南鄆爲圓陣於中四面受敵合戰良久

梁兵大敗郭突圍走步卒七萬殺溺殆盡

晉王自衛州進攻惠州

天祐三年改磁州爲惠州

刺史靳紹走擒斬之以

惠州爲磁州

晉拔洛州以魏州都巡檢使袁建豐爲洛州刺史

晉王自將攻邢州保義

梁改昭義爲保義軍統邢洛磁三州

節度使閻寶拒守

梁主遣張溫救之溫以其衆降晉寶亦舉城降晉王以李存

審爲安國

今祁州南

節度使鎮邢州

契丹侵晉入蔚州

晉兵逼滄州滄州庫晉王徙李存審爲橫海節度使鎮滄州

以李嗣源爲安國節度使

晉人圍貝州刺史張源德欲降衆不從共殺源德嬰城固守

城中食盡乃請環甲執兵而降晉將許之其衆三千出降既

釋甲圍而殺之盡殪

丁丑 晉稱唐天祐十四年
梁貞明三年

晉王弟存矩在新州驕惰不治倚

婢預政晉王使募山北勁兵及劉守光亡卒以助南討存矩
自部送之以盧文進爲裨將行者皆憚遠役至祁溝關小校
官彥璋因衆怨殺存矩擁文進還攻新州不克攻武州又不
克遂奔契丹

盧文進亡奔契丹遂引契丹兵急攻新州刺史安金全棄城
走晉周德威攻之旬日不克契丹主帥衆救之德威大敗奔
歸

契丹乘勝進圍幽州周德威遣使告急晉王命嗣源先進軍
於涑水李存審閭寶繼之會於易州嗣源與存審謀以虜騎
利平原不若自山中潛行趨幽州遇虜則據險拒之遂踰大

房嶺而東嗣源與養子從珂爲前鋒每至谷口契丹輒邀之
嗣源父子力戰得進至山口契丹以萬騎遮其前將士失色
嗣源以百餘騎先進躍馬奮搥三入其陳斬契丹酋長一人
後軍齊進契丹兵卻晉兵始得出將至幽州契丹列陳待之
存審命步兵陳其後戒勿動先令羸兵曳柴然草而進煙塵
蔽天契丹莫測其多少因鼓譟合戰存審乃趨後陳乘之契
丹大敗嗣源等遂入幽州

戊寅

晉稱唐天祐十五年
梁貞明四年

晉王謀大舉伐梁周德威將幽州

步騎三萬李存審將滄景步騎萬人李嗣源將邢洺步騎萬
人王處直遣將將易定步騎萬人及麟勝雲蔚新武等州諸
部落契丹室盡並谷渾皆以兵會之並河東魏博之兵大閼
於魏州

晉王攻濮陽拔之

已

晉稱唐天祐十六年

晉李存審於德勝

渡名在開州今州治北城也其

卯

梁貞明五年

南城宋爲瀘州治北於水

南北夾河築兩城而守之謂之夾寨

梁賀瓌攻德勝南城以竹竿聯艨艟十餘艘蒙以牛革設睥睨戰格橫於河流以斷晉救兵晉王自引兵救之不能進李建及使人操斧入艨艟斧其竹竿又以木豐載薪沃油燃火於上流縱之隨以巨艦艨艟隨流而下梁兵焚溺殆半晉兵乃得渡瓌解圍走

梁兵至頓邱遇晉師而還

晉王如魏州發徒數萬廣德勝北城日與梁人爭互有勝負左射軍使石敬瑭戰於河壩梁人斷其馬甲劉知遠以所乘馬援之自乘斷甲馬徐行爲殿梁人疑有伏不敢迫俱得免

敬瑭以是親愛之

梁築壘貯糧於潘張

通鑑注引薛史云潘張村在河曲

晉王自將邀其餉者

俘獲而還梁人伏兵於要路圍之李紹榮單騎奮擊救之僅免晉王復與王瓚戰於河南瓚先勝獲晉將石君立等既而大敗乘小舟渡河走晉王乘勝遂拔濮陽

辛巳

晉稱唐天祐十八年梁龍德元年

趙王鎔驕於富貴多事遊嬉又好

左道煉丹藥求長生盛飾館於西山

在平山縣西南

每往遊之委政

於行軍司馬李藹宦者李弘規石希蒙會鎔自西山鶴營莊

在今平山縣西

將還府希蒙勸之他所李弘規怒請誅希蒙鎔不答

弘規呼甲士斬希蒙首擲於鎔前鎔怒遽歸使其子昭祚及

養子王德明族弘規收其黨與窮究反狀親軍皆懼德明因

誘以爲亂夜半率親軍千餘人踰城入鎔方與道士焚香受

錄軍士斷其首而出因焚宮室盡滅王氏之族德明復姓名
曰張文禮遣使告亂於晉王方作樂聞之投盃悲泣欲討之
僚佐以爲方與梁爭不可更立敵晉王不得已承制授文禮
留後

張文禮旣作亂內不自安遣間使求援於契丹又遣使請兵
於梁晉人屢獲其蠟丸絹書遣使歸之文禮慙懼文禮忌趙
故將多所誅滅符習將趙兵萬人從晉王在德勝文禮請召
歸以他將代之習見晉王泣涕請留晉王諭以能爲舊君復
讐當以兵糧助汝習與部將投地慟哭願以死報王氏晉王
遂以習爲成德留後命閻寶史建塘將兵助之自邢洛而北
文禮先病腹疽會晉兵拔趙州文禮驚懼而死其子處瑾與
其黨韓正時悉力拒晉晉兵渡滹沱圍鎮州決漕渠以灌之